



Sakspapir

Sakshandsamar	Arkiv	ArkivsakID
Dagrun Gunnarson		21/307

Saksnr	Utval	Type	Dato
046/21	Kommunestyret	PS	17.06.2021

Søknad om dispensasjon frå alkoholpolitisk plan Landsbykafeen AS

Vedlegg:

VS Fritak frå å servera mat i samband med innvilga skjenkeløyve ved Landsbykaféen

Fritak frå å servera mat i samband med innvilga skjenkeløyve ved Landsbykaféen

Alkoholpolitisk plan for Fedje kommune 2020-2024. Forskrift om sals-, skjenke- og opningstider.

Saksutgreiing:

Oppsummering: Landsbykafeen ønskjer dispensasjon frå det lokale forskriftskravet om å ha fast meny/à la cartemeny til det faste skjenkeløyyet sitt.

Bakgrunn

04.06.2021 mottok me søknad frå Landsbykafeen AS om å få dispensasjon frå kravet i alkoholpolitisk plan om at faste løyve skal ha fast meny eller a la carte-meny. Dispensasjonssøknaden gjeld frå 17.06.2021 og fram til ei planlagt verksemdsovertaking.

Grunngjeving:

1. Driftsform i endring, der dei ønskjer å gå frå kafe til bar/opplegg for grupper
2. Liten plass inne pga. avstandskrav mellom gjestar i samband med Covid-19-pandemien.

Alkoholpolitisk plan ligg vedlagt. Planen/forskrifta vart sist revidert i kommunestyresak 032/20. Punktet om krav til meny var eit av punkta som vart spesifikt drøfta i kommunestyret, og vedtatt teke med vidare i planen.

Del II Forskrift om sals-, skjenke- og opningstider i Fedje kommune seier følgjande i punkt 2, andre avsnitt: *Faste løyve skal ha krav om fast meny eller à la carte meny. Bedrifter som driv med produksjon av alkohol og søker skjenkeløyve er friteke for kravet om meny eller à la carte meny. Det er ikkje krav til fast meny eller à la carte meny når ein nyttar ambulerande løyve eller løyve ved enkelthøve.*

Vurdering

Kravet om fast meny/à la cartemeny ligg i den lokale forskrifta, og ikkje i alkoholforskrifta. Det ligg slik sett ein moglegheit for kommunestyret å gje dispensasjon frå eigen forskrift, men høvet til dispensasjon står ikkje omtala i forskrifta.

Alkoholpolitisk plan vart behandla og revidert for eit år sidan av sittande kommunestyre. Rådmannen innstilte då på å ta vekk kravet om meny, fordi det er vanskeleg å handheve. Kommunestyret ønskte å ha det med i planen/forskrifta for dei faste løyvene. Denne søknaden om dispensasjon gjeld det



Fedje kommune

faste løyvet til Landsbykafeen AS.

Me kan sjå at driftsform i endring kan vere grunnlag for dispensasjon frå regelverket. Er endringane store, kan det vere grunnlag for å søke om å endre løyve, ref. alkoholoven § 4-2 Omfanget av bevillingen 4. avsnitt: *Bevillingen gjelder for et bestemt lokale og en bestemt type virksomhet. Bevillingen kan for en enkelt anledning utvides til å gjelde også utenfor skjenkelokalet.* Det vil i så fall stille større krav til dokumentasjon og tid for sakbehandling.

Me ser at noverande krav til avstand kan vere krevjande for små bedrifter. Me har t.d. gjeve mange løyve til utviding av skjenkeområdet for vår andre serveringsbedrift Fabnr 8 i koronaperioden for at dei skal kunne halde avstandskrava. På den andre sida er det ikkje mindre avstandskrav mellom gjestane om ein har ein bar enn om ein har matservering. Det er mogleg det er den økonomiske belastninga som følgjer av å ha «ope kjøkken» for ei lita gruppe som er problemet, men det er ikkje direkte nemnd i søknaden.

Ei viktig side å vurdere ved å gje dispensasjon frå lokale forskrifter og reglar, er om me kan gjere det same for eventuelt andre søkjarar og på grunnlag av kva for grunngevingar. Om me får tilsvarande søknad frå Fab nr 8, vil me kunne gje dispensasjon for dei også? Sidan me berre har to faste skjenkeløyve av denne typen, vil då kommunestyret i praksis ha oppheva denne regelen i alkoholpolitisk plan? Då vil det kanskje vere på sin plass med ny rullering av alkoholpolitisk plan, som kommunestyret sjølv sagt kan be rådmannen om.

Om det vert nye nasjonale eller lokale forskrifter om tidleg stopp av skjenking eller krav om matservering pga. Covid-19, er dette eiga forskrift som gjeld uansett kva det lokale løyvet seier. Det er difor ikkje ei problemstilling i denne saka.

Rådmannen følgjer kommunestyret sin nyleg vedtekne forskrift i saka, og innstiller difor på å ikkje gje dispensasjon. Om kommunestyret likevel ønskjer å gje dispensasjon, ber rådmannen om at kommunestyret merker seg følgjande:

Landbykafeen søker om dispensasjon frå 17.06.2021 til «kommunestyret si handsaming av nytt skjenkeløyve til hausten (september)». Det er viktig at kommunen i så fall setter ein sluttdato, og ikkje her følgjer søknaden. Grunnen til det er følgjande:

1) Ved ei verksemdsoverdraging er det ikkje Landsbykafeen AS som skal søkje nytt løyve, det er dei som overtek selskapet. Landsbykafeen AS kan difor ikkje seie noko om den komande søknaden, når den kjem og kva som vert søkt om. Sjølv om det er mange av dei same personane det her gjeld, er det viktig at kommunestyret behandlar bedrifter og søknadar korrekt.

2) Det er ei urealistisk tidsramme. Om Søsterselskapet AS overtek Landsbykafeen AS, har dei 30 dagar på seg til å søkje nytt fast skjenkeløyve. Om dei held denne fristen, kan dei skjenke på det tidlegare løyvet i inntil 3 månader (mogleg utviding med 1 månad til kommunestyret har gjort vedtak). (Alkoholova § 1-10). Saksbehandlingsfristen etter at Fedje kommune har motteke søknaden med all korrekt dokumentasjon er 4 månader (Alkoholova § 1-11). Dokumentasjonskravet er ganske omfattande på nye løyve, og saksbehandlinga krev også arbeid frå andre instansar enn Fedje kommune, som politiet. Skulle saka rekke kommunestyrebehandling ca. medio september, burde me ha motteke fullstendig søknad midt i mai. Men i følge søknaden har verksemdsoverdraginga ikkje skjedd enno, og difor er det heller ikkje mogleg å søke enno.

Konklusjon



Fedje kommune

Rådmannen si innstilling er å ikkje gje dispensasjon frå alkoholpolitisk plan for Landsbykafeen AS frå 17.06.2021. Grunngeving: Rådmannen følgjer kommunestyret sin nyleg vedtekne forskrift i saka. Planen/forskrifta vart sist revidert i kommunestyresak 032/20.

Forslag til vedtak:

Landsbykafeen AS får ikkje dispensasjon frå kravet i *Alkoholpolitisk Plan for Fedje kommune, Del II Forskrift om sals-, skjenke- og opningstider i Fedje kommune* om fast meny/à la cartemeny for faste skjenkeløyve.

Kommunestyret - 046/21

K - behandling:

K - vedtak:

Landsbykafeen AS får ikkje dispensasjon frå kravet i *Alkoholpolitisk Plan for Fedje kommune, Del II Forskrift om sals-, skjenke- og opningstider i Fedje kommune* om fast meny/à la cartemeny for faste skjenkeløyve.

Samrøystes vedteke.